

JASMIN DUVNJAK

SENAD ČELJO

**Delegati u Domu naroda
Parlamenta Federacije Bosne i Hercegovine**

Sarajevo, 24.12.2021.godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 24-12-2021			
Org. jed.	Broj	Priloga	Vrijednost
02-	02-	2457	/21

**PARLAMENT FEDERACIJE
BOSNE I HERCEGOVINE
DOM NARODA**

n/r gđin Tomislav Martinović, predsjedavajući

**PREDMET: PRIJEDLOG ZAKONA O IZMJENI ZAKONA O PRAVIMA
BRANILACA I ČLANOVA NJIHOVIH PORODICA - skraćeni
postupak - dostavlja se,**

Na osnovu člana 164. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03, 21/09 i 24/20), kao ovlašteni predlagači, podnosimo, radi razmatranja i donošenja po skraćenom postupku, **PRIJEDLOG ZAKONA O IZMJENI ZAKONA O PRAVIMA BRANILACA I ČLANOVA NJIHOVIH PORODICA.**

Delegati

Jasmin Duvnjak s.r.

Senad Čeljo s.r.

PRIJEDLOG

**ZAKON
O IZMJENI ZAKONA O PRAVIMA BRANILACA
I ČLANOVA NJIHOVIH PORODICA**

Sarajevo, decembar 2021.godine

RAZLOZI ZA DONOŠENJE ZAKONA PO SKRAĆENOM POSTUPKU ZAKONA O IZMJENI ZAKONA O PRAVIMA BRANILACA I ČLANOVA NJIHOVIH PORODICA

U skladu sa članom 164. stav 1. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09 i 24/20), predlaže se donošenje Zakona o izmjeni Zakona o pravima branilaca i članova njihovih porodica po skraćenom postupku, obzirom da nije u pitanju složen i obiman zakon.

U cilju poboljšanja statusa svih ratnih vojnih invalida kojima je priznato pravo na njegu i pomoć od drugog lica, kao i ratnih vojnih invalida 100% I grupe koji zbog specifičnog zdravstvenog stanja moraju imati stalnog pratioca ili čak i više osoba zaduženih za njegu i pomoć ratnih vojnih invalida koji su potpuno nesposobni da se brinu o sebi i samostalno obavljaju osnovne životne potrebe, predlaže se donošenje Zakona o izmjeni Zakona o pravima branilaca i članova njihovih porodica („Službene novine Federacije BiH“, br. 33/04, 56/05, 70/07, 9/10 i 90/17).

**ZAKON
O IZMJENI ZAKONA O PRAVIMA BRANILACA
I ČLANOVA NJIHOVIH PORODICA**

Član 1.

U Zakonu o pravima branilaca i članova njihovih porodica („Službene novine Federacije BiH“, br.33/04, 56/05, 70/07, 9/10 i 90/17), član 14. mijenja se i glasi:

„Iznos dodatka za njegu i pomoć od drugog lica utvrđuje se od usklađene osnovice iz člana 12. stav 2. ovog Zakona kako slijedi:

- za prvi stepen 200 % od osnovice
- za drugi stepen 140 % od osnovice
- za treći stepen 100 % od osnovice.“

Član 2.

Ovaj zakon stupa na snagu narednog dana od dana objavljivanja u „Službenim novinama Federacije BiH“.

**OBRAZLOŽENJE
ZAKONA O IZMJENI ZAKONA O PRAVIMA BRANILACA
I ČLANOVA NJIHOVIH PORODICA**

I-USTAVNI OSNOV

Ustavni osnov za donošenje Zakona o izmjeni Zakona o pravima branilaca i članova njihovih porodica sadržan je u članu III 2.e), a u vezi sa članom III. 3. (3) i (4) Ustava Federacije Bosne i Hercegovine („Službene novine Federacije BiH“, broj: 1/94), prema kome Federalna vlast, kada se radi o zakonima i drugim propisima koji su obavezujući na području cijele Federacije Bosne i Hercegovine ima pravo utvrđivati politiku i donositi zakone u oblasti socijalne politike u koju spada i ova oblast.

II-RAZLOZI ZA DONOŠENJE ZAKONA

Razlog za donošenje Zakona o izmjeni Zakona o pravima branilaca i članova njihovih porodica rata je poboljšanje statusa ratnih vojnih invalida od I do IV grupe kojima je priznato pravo na dodatak za njegu i pomoć od drugog lica.

III-OBRAZLOŽENJE POJEDINIH ODREDBI ZAKONA

Članom 1. – propisan je iznos dodatka za njegu i pomoć od drugog lica za ratne vojne invalide od I do IV grupe i utvrđuje se od osnovice iz člana 12. stav 2. Zakona o pravima branilaca i članova njihovih porodica.

Članom 2. - propisano je stupanje na snagu zakona.

IV-FINANSIJSKA SREDSTVA

Za provođenje ovog Zakona (trenutno 600 RVI korisnika tuđe njege) potrebna su dodatna finansijska sredstva u iznosu od 5.197.713,00 KM na godišnjem nivou.